

**SANCTISSIMI D. N.
DOMINI CLEMENTIS
DIVINA
PROVIDENTIA PAPÆ
11. DAMNATIO...**

Clemens 11.>

10
XIII

339.25

15
81

SANCTISSIMI D. N. DOMINI
CLEMENTIS
DIVINA PROVIDENTIA
PAPÆ XI.

Damnatio quamplurium Propositionum excerptarum ex
Libro Gallico idiomate impressio, & in plures Tomos
distributo, sub titulo -- *Le nouveau Testament en Fran-*

cois, avec des reflexions morales sur chaque
verset, &c. A' Paris 1699. ; Ac aliter --

Abbrege de la morale de l'Evangile, des
Actes des Apostres des Epistres de S.
Paul, des Epistres Canoniques, e de
l'Apocalypse, ou Penſees Chreſtiennes
sur le Texte de ces Livres Sacrez,

&c. A' Paris 1693., & 1694.

Cum prohibitione ejusdem Libri, & aliorum quorum-
cumque in ejus defensionem tam hactenus edito-
rum, quam in posterum edendorum.

•••••

LUCÆ, MDCCXIII.

TYPIS DOMINICI CIUFFETTI.

C L E M E N S³

EPISCOPUS SERVUS SERVORUM D E I.

*Universis Christifidelibus salutem,
& Apostolicam Benedictionem.*



VIGENITUS DEI filius pro
nostra, & totius Mundi salute
filius hominis factus, dum Disci-
pulos suos doctrina veritatis
intrueret, universamque Ec-
clesiam suam in Apostolis eru-
diret, presentia disponens, &
futura prospiciens præclaro, ac

saluberrimo documento Nos admonuit, ut attende-
remus à falsis Prophetis, qui veniunt ad Nos in vesti-
mentis Ovium; quorum nomine potissimum demon-
strantur Magistri illi mendaces, & in deceptione illu-
sores, qui splendida pietatis specie, prava dogmata,
latenter intinuant, introducunt Sectas perditionis
sub imagine Sanctitatis, utq; facilius incautis obrepāt,
quasi deponētes lupinam pellem, & sese Divine Legis
sententijs, velut quibusdam Ovium velleribus obvol-
uentes, Sanctarum Scripturarum, adeoque etiam

ipſius novi Teſtamenti verbis, quę multipliciter in ſuã, aliorumque perditionem depravant, nequiter abutuntur: antiqui ſcilicet à quo progeniti ſunt, mendacii Parentis exemplo, ac magiſterio edoſti, nullam omninò eſſe ad fallendum expeditiorem viam, quàm ut ubi nefarii erroris ſubintroducitur fraudulentia, ibi divinatorum verborum prætendatur authoritas.

His Nos verè divinis monitis inſtructi, ubi primùm, non ſine intima cordis noſtri amaritudine, accepimus, Librum quẽdam Gallico idiomate olim impreſſum, & in plures Tomos diſtributum, ſub titulo -- *Le Nouveau Teſtament en Francois, avec des reflexions morales ſur chaque verſet, &c. A Paris 1699.*; Alitèr verò -- *Abbrege de la morale de l'Euangile, des Actes des Apoſtles, des Epîtres de S. Paul, des Epîtres Canoniques, & de l'Apocalypſe, ou Penſees Chretiennes ſur le Texte des ces Liures Sacrez, &c. A Paris 1693., & 1694.*: tametſi aliàs à nobis damnatum, ac revera Catholicis veritatibus pravarum doctrinarum mendacia multifariam permilcentem, adhuc tamen tanquàm ab omni errore immunem, à pluribus haberi, Chriſtifiſidelium manibus paſſim obtrudi, ac nonnullorum nova ſemper tentantium conſilio, & opera ſtudioſè nimis quaquaverſum diſſeminari, etiã latinè redditum, ut pernicioſæ inſtitutionis contagium, ſi fieri poſſit, pertranſeat de gente in gentem, & de Regno ad populum alterum: verſutis huiusmodi ſeductionibus, atque fallaciis creditum Nobis Dominicum Gregem in viam perditionis ſenſim abduci ſum.

moperè dolumus: adeòque Pastoralis non minùs curæ nostræ stimulis, quàm frequentibus Orthodoxæ Fidei Zelatorum querelis, maximè verò complurium Venerabilium Fratrum, præsertim Galliæ Episcoporum, literis, ac precibus excitati, gliscenti morbo, qui etiam aliquandò posset in deteriora quæque proruerè, validiori aliquo remedio obviam ire decrevimus.

Et quidem ad ipsam ingruentis mali causam providè nostræ considerationis intuitum convertentes, perspicuè novimus summam hujusmodi Libri perniciem idèò potissimum progredi, & invalescere, quòd eadè intus lateat, velut improba sanies, nonnisi secto ulcere foras erumpat; cùm Liber ipse primo aspectu legentes specie quadam pietatis illiciat; molliti enim sunt sermones ejus super oleum: sed ipsi sunt jacula, & quidem intento arcu ità ad nocendum parata, ut sagittent in obscuro rectos corde. Nihil propterea opportunius, aut salubrius præstari à Nobis posse arbitrati sumus, quàm si fallacem Libri doctrinam generatim solummodò à Nobis hætenùs indicatam, pluribus sigillatim ex eo excerptis Propositionibus, distinctius, & apertius explicarem, atque universis Christianis fidelibus noxia Zizaniorum semina è medio Tritici, quo tegebantur, edueta, ob oculos exponeremus. Ità nimirum denudatis, & quasi in propatulo positis, non uno quidem, aut altero, sed plurimis, gravissimisque, tum pridem damnatis, tum etiam novè adinventis erroribus, planè confidimus, benedicente Domino, fore ut omnes tandem apertæ jam, manifestæque veritati cedere compellantur.

Id ipsum maximè è re Catholica futurum, & sedandis præsertim in florentissimo Galliæ Regno ex ortis ingeniorum variè opinantium, jamque in acerbiores scissuras protendentium dilidiis apprimè proficuum: Conscientiarum denique tranquillitati perutile, & propemodum necessarium, non modò præfati Episcopi sed, & ipse in primis Charissimus in Christo Filius noster Ludovicus Francorum Rex Christianissimus, cujus eximium in tuendâ Catholicæ Fidei puritate, extirpandisque erroribus Zelum satis laudare non possumus: æpiùs Nobis est contestatus; repetitis propterea vere piis, & Christianissimo Rege dignis officiis atque ardentibus votis à Nobis efflagitans, ut instanti animarum necessitati prolata quantociùs Apostolici censura Judicii consuleremus.

Hinc adspirante Domino, ejusque cœlesti ope confisi, salutare opus sedulò, diligenterque, ut rei magnitudo postulabat, aggressi sumus; ac plurimas ex prædicto Libro, juxta supra recensitas respectivè editiones, fideliter extractas, & tùm Gallico, tùm Latino idiomate expressas Propositiones à compluribus in Sacra Theologia Magistris, primò quidem coram duobus ex Venerabilibus Fratribus nostris Sanctæ Romanæ Ecclesiæ Cardinalibus accuratè discuti: deindè verò coram Nobis, adhibito etiam aliorum plurimum Cardinalium consilio, quàm maxima diligentia, ac maturitate, singularum insuper Propositionum cum ipsomet Libri Textu exactissimè facta collatione, pluries iteratis Congregationibus, expendi, & examinar

man-

mandavimus. Hujusmodi autem Propositiones sunt, quæ sequuntur, videlicet -

- 1 **Q**uid aliud remanet animæ, quæ Deum, atque ipsius gratiam amisit, nisi peccatum, & peccati consecutiones, superba paupertas, & segnis indigentia, hoc est generalis impotentia ad laborem, ad orationem, & ad omne opus bonum?
- 2 Jesu Christi gratia, principium efficax boni cujuscumque generis, necessaria est ad omne opus bonum; absque illa, non solum nihil fit, sed nec fieri potest.
- 3 In vanum Domine præcipis, si tu ipse non das quod præcipis.
- 4 Ita Domine; Omnia possible sunt ei, cui omnia possible facis, eadem operando in illo.
- 5 Quando Deus non emollit cor per interiorem unctiōem gratiæ suæ, exhortationes, & gratiæ exteriores non inserviunt, nisi ad illud magis obdurandum.
- 6 Discrimen inter Fœdus Judaicum, & Christianum est, quod in illo Deus exigit fugam peccati, & implementum legis a peccatore, relinquendo illum in sua impotentia: in isto verò Deus Peccatori dat, quod jubet, illū sua gratia purificando.
- 7 Quæ utilitas pro homine in veteri fœdere, in quo Deus illum reliquit ejus propriæ infirmitatis, imponendo ipsi suam legem? Quæ verò felicitas non est admitti ad fœdus, in quo Deus nobis donat, quod petat à nobis? **A 4** **Nos**

- 8 Nos non pertinemus ad novum fœdus, nisi in quantum participes sumus ipsius novæ gratiæ, quæ operatur in nobis id, quod Deus nobis præcipit.
- 9 Gratia Christi est gratia suprema, sine qua confiteri Christum nunquam possumus, & cum qua nunquam illum abnegamus.
- 10 Gratia est operatio manus Omnipotentis Dei, quæ nihil impedire potest, aut retardare.
- 11 Gratia non est aliud, quam voluntas Omnipotentis Dei, jubentis, & facientis, quod jubet.
- 12 Quando Deus vult salvare animam, quocumque tempore, quocumq; loco effectus indubitabilis sequitur voluntatem Dei.
- 13 Quando Deus vult animam salvam facere, & eam tangit interiori gratiæ suæ manu nulla voluntas humana ei resistit.
- 14 Quânticumque remotus à salute sit Peccator obstinatus, quando Jesus se ei videndum exhibet lumine salutaris suæ gratiæ, oportet ut se dedat accurrat sese humiliet, & adoret Salvatorem suum.
- 15 Quando Deus mandatum suum, & suam æternam locutionem comitatur unctiōe sui Spiritus, & interiori vi gratiæ suæ, operatur illa in corde obedientiam, quam petit.
- 16 Nullæ sunt illecebræ, quæ non cedant illecebris gratiæ, quia nihil resistit Omnipotenti.
- 17 Gratia est vox illa Pa ris, quæ homines interiù docet, ac eos venire facit ad Jesum Christum, quæ
cum-^{is}

9
cnnique ad eum non venit, postquam audiuit vo-
cem exteriorem Filii, nullatenus est doctus à
Putre.

18 Semen verbi, quod manus Dei irrigat, semper
affert fructum suum.

19 Dei gratia nihil aliud est, quam ejus omnipotens
voluntas; hæc est idea, quam Deus ipse No-
bis tradit in omnibus suis Scripturis.

20 Vera gratiæ idea est, quod Deus vult sibi à nobis
obediri, & obeditur; imperat, & omnia fiunt;
loquitur tanquam Dominus, & omnia sibi sub-
missa sunt.

21 Gratia Jesu Christi est gratia fortis, potens, su-
prema, invincibilis, utpote quæ est operatio vo-
luntatis Omnipotentis, sequela, & imitatio
operationis Dei incarnantis, & resuscitantis Fi-
lium suum.

22 Concordia omnipotentis operationis Dei in corde
hominis, cum libero ipsius voluntatis consensu,
demonstratur illicò nobis, in incarnatione, veluti
in fonte, atque Archetypo omnium aliarum ope-
rationum misericordiæ, & gratiæ, quæ omnes ità
gratunæ, atque ità dependentes a Deo sunt, si-
cut ipsa originalis operatio.

23 Deus ipse nobis ideam tradidit omnipotentis ope-
rationis suæ gratiæ, eam significans per illam,
qua Creaturas è nihilo producit, & mortuis red-
dit vitam.

- 24 *Iusta idea, quam Centurio habet de Omnipotentia Dei, & Jesu Christi, in sanandis Corporibus solo motu suæ voluntatis, est imago ideæ, quæ haberi debet de omnipotentia suæ gratiæ in sanandis animabus a cupiditate.*
- 25 *Deus illuminat animam, & eam sanat æquè ac corpus sola sua voluntate; jubet, & ipsi obtemperatur.*
- 26 *Nulla dantur gratiæ, nisi per Fidem.*
- 27 *Fides est prima gratia, & fons omnium aliarum.*
- 28 *Prima gratia, quam Deus concedit Peccatori, est peccatorum remissio.*
- 29 *Extra Ecclesiam nulla conceditur gratia.*
- 30 *Omnes, quos Deus vult salvare per Christum, salvantur infallibiliter.*
- 31 *Desideria Christi semper habent suum effectum; pacem intimo cordium infert, quando eis illam opiat.*
- 32 *Jesus Christus se morti tradidit ad liberandum pro semper suo sanguine Primogenitos, idest Electos, de manu Angeli exterminatoris.*
- 33 *Probat quantum oportet bonis terrenis, & sibi metipsum renunctasse, ad hoc ut quis fiduciam habeat sibi, ut ita dicam, appropriandi Christum Jesum, ejus amorem, mortem, & mysteria, ut facit S. Paulus dicens: Qui dilexit me, & tradidit semetipsum pro me.*
- 34 *Gratia Adam non producebat, nisi merita humana.*

- 35 Gratia Adami est sequela creationis, & erat debita naturæ sanæ, & integræ.
- 36 Differentia essentialis inter gratiam Adami, & statum innocentie, ac gratiam Christianam, est, quod primam unusquisq; in propria persona recepisset: ista vero non recipitur, nisi in persona Jesu Christi resuscitati, cui nos uniti sumus.
- 37 Gratia Adami, sanctificando illum in semetipso, erat illi proportionata: Gratia Christiana vos sanctificando in Jesu Christo, est omnipotens, digna Filio Dei.
- 38 Peccator non est liber, nisi ad malum, sine gratia Liberatoris.
- 39 Voluntas, quam gratia non prævenit, nihil habet luminis, nisi ad aberrandum, ardoris, nisi ad se precipitandum, virium, nisi ad se vulnerandum; Est capax omnis mali, & incapax ad omne bonum.
- 40 Sinè gratia nihil amare possumus, nisi ad nostram condemnationem.
- 41 Omnis cognitio Dei, etiam naturalis, etiam in Philosophis Ethnicis, non potest venire, nisi à Deo, & sine gratia non producit, nisi præsumptionem, vanitatem, & oppositionem ad ipsum Deum, loco affectuum adorationis, gratitudinis, & amoris.
- 42 Sola gratia Christi reddit hominem aptum ad Sacrificium Fidei, sine hoc nihil, nisi impunitas, nihil, nisi indignitas.

- 43 *Primus effectus gratiæ baptismalis est facere , ut moriamur peccato ; adedut spiritus , cor , sensus non habeant plus vitæ pro peccato , quàm homo mortuus habeat pro rebus Mundi .*
- 44 *Non sunt , nisi duo amores , unde volitiones , & actiones omnes nostræ nascuntur ; Amor Dei , quia omnia agit propter Deum , quemque Deus remuneratur , & Amor , quo nos ipsos , ac Mundum diligimus , qui quod ad Deum referendum est , non refert , & propter hoc ipsum fit malus .*
- 45 *Amore Dei in corde Peccatorum non amplius regnante , necesse est , ut in eo carnalis regnet cupiditas , omnesque actiones ejus corrumpat .*
- 46 *Cupiditas , aut Charitas , usum sensuum bonum , vel malum faciunt .*
- 47 *Obedientia legis profluere debet ex fonte ; & hic fons est Charitas . Quando Dei amor est illius principium interius , & Dei gloria ejus finis , tunc purum est , quod apparet exterius alioquin non est , nisi hypocrisis , aut falsa iustitia .*
- 48 *Quid aliud esse possumus , nisi tenebræ , nisi aberratio , & nisi peccatum sine Fidei lumine , sine Christo , & sine Charitate .*
- 49 *Ut nullum peccatum est sine amore nostri , ita nullum est opus bonum sine amore Dei .*
- 50 *Frustrâ clamamus ad Deum , Pater mi : si spiritus Charitatis non est ille , qui clamat .*
- 51 *Fides justificat , quando operatur ; sed ipsa non operatur , nisi per charitatem .*

Omnia

- 52 Omnia alia salutis media continetur in fide, tanq;
in suo germine, & semine; Sed hæc fides non est
absq; amore, & fiducia.
- 53 Sola Charitas Christiano modo facit [actiones
Christianas] per relationem ad Deum, & Jesum
Christum.
- 54 Sola Charitas est, quæ Deo loquitur; eam solam
Deus audit.
- 55 Deus non coronat, nisi Charitatem; qui currit ex
alio impulsu, & ex alio motivo, in vanum cur-
rit.
- 56 Deus non remunerat nisi Charitatem, quoniam
charitas sola Deum honorat.
- 57 Totum deest Peccatori, quando ei deest spes, &
non est spes in Deo, ubi non est amor Dei.
- 58 Nec Deus est, nec Religio, ubi non est Charitas.
- 59 Oratio Impiorum est novum peccatum, & quod
Deus illis concedit, est novum in eos iudicium.
- 60 Si solus supplicii timor animat pœnitentiam, quod
hæc est magis violenta, eò magis ducit ad des-
perationem.
- 61 Timor non nisi manum cobibet, cor autem tandiu
peccato addicitur; quandiu ab amore justitiæ
non ducitur.
- 62 Qui à malo non abstinet, nisi timore pœnæ, illud
committit in corde suo, & jam est Reus coram
Deo.
- 63 Baptizatus adhuc est sub lege sicut Judeus, si le-
gem non adimpleat, aut adimpleat ex solo timore.

Sub

- 64 Sub maledicto legis, nunquam fit bonum, quia peccatur siue faciendo malum, siue illud non nisi ob timorem evitando.
- 65 Moyses, prophetae, Sacerdotes, & Doctores legis mortui sunt, absque eo quod ullum Deo dederint filium, cum non effecerint nisi mancipia per timorem.
- 66 Qui vult Deo apropinquare, nec debet ad ipsum venire cum brutalibus passionibus, neque adduci per instinctum naturalem, aut per timorem, sicuti Bestiae, sed per fidem, & per amorem sicuti filii.
- 67 Timor servilis non sibi repraesentat Deum, nisi ut Dominum durum, imperiosum, injussum intratrabilem.
- 68 Dei Bonitas abbreviavit viam salutis claudendo totum in Fide, & precibus.
- 69 Fides, usus, augmentum, & premium Fidei, totum est donum purae liberalitatis Dei.
- 70 Nunq; Deus affligit innocentes, & afflictiones semper servant, vel ad puniendum peccatum, vel ad purificandum Peccatorem.
- 71 Homo ob sui conservationem potest se se dispensare ab ea lege, quam Deus condidit propter ejus utilitatem.
- 72 Nota Ecclesiae Christianae est quod sit Catholica, comprehendens, & omnes Angelos Caeli, & omnes Electos, & justos terrae, & omnium Saeculorum.
- 73 Quia est Ecclesia, nisi ceteris Filiorum Dei manent-

- nentium in ejus sinu, adoptatorum in Christo,
 subsistentium in ejus persona, redemptorum ejus
 sanguine, viventium ejus spiritu, agentium per
 ejus gratiam, & expectantium gratiam futuri
 Sæculi.
- 74 Ecclesia, sicut integer Christus, Incarnatum Ver-
 bum habet ut Caput omnes verò Sanctos mem-
 bra.
- 75 Ecclesia est unus solus homo, compositus ex pluri-
 bus membris, quorum Christus est Caput, vita,
 subsistentia, & persona; Unus solus Christus,
 compositus ex pluribus Sanctis, quorum est San-
 ctificator.
- 76 Nihil spatiosius Ecclesia Dei, quia omnes Electi,
 & Justa omnium Sæculorum illam componunt.
- 77 Qui non ducit vitam dignam Filio Dei, & membro
 Christi cessat interius habere Deum pro Patre,
 & Christum pro Capite.
- 78 Separatur quis à Populo Electo, cujus figura fuit
 Populus Judaicus, & Caput est Jesus Christus,
 tam non vivendo secundum Evangelium, quam
 non credendo Evangelio.
- 79 Utile, & necessarium est omni tempore, omni loco,
 & omni personarum generi studere, & cognoscere
 spiritum, Pietatem, & Mystéria Sacre Scri-
 pturæ.
- 80 Lectio Sacre Scripturæ est pro omnibus.
- 81 Obscuritas Sancta verbi Dei non est Laicis ratio
 dispensandi se ipsos ab ejus lectione.

- 82 *Dies Dominicus à Christianis debet sanctificari lectionibus pietatis, & super omnia Sanctorum Scripturarum. Damnosum est velle Christianum ab hac lectione retrahere.*
- 83 *Est illusio sibi persuadere, quod notitia Mysteriorum Religionis non debeat communicari feminis, lectione Sacrorum librorum. Non ex seminarum simplicitate, sed ex superba Virorum scientia, oritur scripturarum abusus, & natae sunt haereses.*
- 84 *Abripere à Christianorum manibus novum Testamentum, seu eis illud clausum tenere, auferendo eis modum illud intelligendi, est illis Christi os obturare.*
- 85 *Interdicere Christianis lectionem Sacrae Scripturae, praesertim Evangelii, est interdicere usum luminis filiis lucis, & facere ut patiantur speciem quamdam excommunicationis.*
- 86 *Eripere simplici Populo hoc solatium, jungendi vocem suam voci totius Ecclesiae, est usus contrarius praxi Apostolicae, & intentioni Dei.*
- 87 *Modus plenus sapientia, lumine, & Charitate, est dare animabus tempus portandi cum humilitate, & sentiendi statum peccati, petendi spiritum penitentiae, & contritionis, & incipiendi, ad minus, satisfacere iustitiae Dei, antequam reconciliantur.*
- 88 *Ignoramus quid sit peccatum, & vera poenitentia, quando volumus statim restitui possessioni bonorum*
rum

rum illorum, quibus nos peccatum spoliavit, & detrectamus separationis istius ferre confusionem.

- 89 Quartus decimus gradus conversionis Peccatoris est quod, cum sit iam reconciliatus, habet jus as-
sistendi Sacrificio Ecclesiæ.
- 90 Ecclesia auctoritatem excommunicandi habet, ut eam exerceat per primos Pastores de consensu, saltem præsumpto, totius Corporis.
- 91 Excommunicationis injustæ metus, nunq; debet nos impedire ab implendo debito nostro: Nunq; eximus ab Ecclesia, etiam quando hominum nequitia, videmur ab ea expulsi, quando Deo, Jesu Christo, atque ipsi Ecclesiæ per Charitatem affixi sumus.
- 92 Pati potius in pace excommunicationem, & anathema injustum, quam prodere veritatem, est imitari Sanctum Paulum: tantum abest, ut sit erigere se contra Auctoritatem, aut scindere unitatem.
- 93 Jesus quandoque sanat vulnera, quæ præceptis Primorum Pastorum festinatio infligit, sine ipsius mandato; Jesus restituit, quod ipsi inconsiderato Zelo rescindunt.
- 94 Nihil pejorem de Ecclesia opinionem ingerit ejus inimicis, quam videre illic dominatum exerceri supra fidem fidelium, & foveri divisiones propter res, quæ nec fidem lædunt, nec mores.
- 95 Veritates eò devenerunt, ut sint lingua quasi pe-

regrina plerisque Christianis, & modus eas prædicandi est veluti idioma incognitum: aded remotus est à simplicitate Apostolorum, & supra communem captum fidelium: Neque satis advertitur, quod hic defectus sit unum ex signis maximè sensibilibus senectutis Ecclesiæ, & iræ Dei in Filios suos.

- 96 *Deus permittit, ut omnes Potestates sint contrariæ Prædicatoribus veritatis, ut ejus victoria attribus non possit, nisi Divinæ gratiæ.*
- 97 *Nam sæpè contingit membra illa, quæ magis sanctè, ac magis strictè unita Ecclesiæ sunt, respici, atque tractari tanquam indigna, ut sint in Ecclesia, vel tanquam ab ea separata; sed Justus vivit ex fide, & non ex opinione hominum.*
- 98 *Status persecutionis, & penarum, quas quis tolerat, tanquam Hæreticus, flagitiosus, & impius, ultima plerumque probatio est, & maximè memoria utpotè quæ facit hominem magis conformem Jesu Christo.*
- 99 *Pervicacia, præventio, obstinatio in nolendo, aut aliquid examinare, aut agnoscere se fuisse deceptum, mutant quotidie quoad multos in odorem mortis id, quod Deus in sua Ecclesia posuit, ut in ea esset odor vitæ, V. G. bonos libros, instructiones, sancta exempla, &c.*
- 100 *Tempus deplorabile, quo creditur honorari Deus, persequendo veritatem, ejusque discipulos. Tempus hoc advenit Haberi, & tracta-*

Etari à Religionis Ministris, tanquam impium, & indignum omni commercio cum Deo, tanquam membrum putridum, capax corrumpendi omnia in societate Sanctorum, est hominibus p'is morte corporis mors terribilior. Frustra quis sibi blanditur de suarum intentionum puritate, & Zelo quidam Religionis, persequendo flammam, ferroque viros probos, si propria passione est excacatus, aut abreptus alieni, propterea quod nihil vult examinare. Frequenter credimus sacrificare Deo Impium, & sacrificamus Diabolo Dei Servum.

- 101 *Nihil spiritui Dei, & doctrinae Jesu Christi magis opponitur, quam communia facere jura-menta in Ecclesia, quia hoc est multiplicare occasiones pejerandi, liquores tendere infirmis, & Idiotis, & efficere, ut verum, & veritas Dei aliquando deserviant consilio Impiorum.*

Auditis itaque tum voce, tum scripto Nobis exhibitis prefatorum Cardinalium, aliorumque Theologorum suffragiis, divinique in primis luminis, privatis ad eum finem, publicisque etiam indictis precibus, impetrato preidio, omnes, & singulas Propositiones præinsertas, tanquam falsas, captiosas, malè sonantes, piarum aurium offensivas, scandalosas, perniciosas, temerarias, Ecclesiæ, & ejus praxi injuriosas, neque in Ecclesiam solum, sed etiam in Potestates sæculi contumeliosas, seditio-
fas,

fas, impias, blasphemias, suspectas de hæresi, ac heresim ipsam sapientes, nec non hereticis, & hæresibus, ac etiam schismati faventes erroneas, hæresi proximas, pluries damnatas, ac demùm etiam hæreticas, variasque hereses, & potissimùm illas, quæ in famosis Jansenii propositionibus, & quidem in eo sensu, in quo hæ damnatæ fuerunt, acceptis, continentur, manifestè innovantes, respectivè, hac nostra perpetuò valitura Constitutione declaramus, damnamus, & reprobamus.

Mandantes omnibus utriusque sexus Christifidelibus, ne de dictis Propositionibus sentire, docere, prædicare aliter præsumant, quàm in hac eadem Nostra Constitutione continentur; ita ut quicumque illas, vel illarum aliquam conjunctim, vel divisim docuerit, defenderit, ediderit, aut de eis, etiam disputativè, publicè, aut privatim tractaverit, nisi forsan impugnando, Ecclesiasticis censuris, aliisque contrà similia perpetrantes à Jure statutis poenis ipso facto, absque alia declaratione subja-
ceat.

Coeterum per expressam præfatarum Propositionum reprobationem alia in eodem Libro contenta nullatenus approbare intendimus; cum præsertim in decursu examinis complures alias in eo deprehenderit propositiones illis, quæ, ut suprà, damnatæ fuerunt, consimiles, & affines, iisdemque erroribus imbutas: nec sanè paucas sub imaginario quod-

dama,

dam, veluti grassantis hodiè persecutionis obtentu, inobedientiam, & perviciaciam nutrientes, easque falso Christianæ patientiæ nomine prædicantes, quas propterea singulatim recensere, & nimis longum esse duximus, & minime necessarium; ac demùm, quod intolerabilius est, Sacrum ipsum novi Testamenti Textum damnabiliter vitiatum compere-
rimus, & alteri dudùm reprobate versioni Gallicæ Montensi in multis conformem: à vulgata verò editione, quæ tot Sæculorum usu in Ecclesia probata est, atque ab Orthodoxis omnibus pro authentica haberi debet, multipliciter discrepantem, & aberrantem, pluriesque in alienos, exoticos, ac sæpè noxios sensus, non sine maxima perversitate detortum.

Eundem propterea Librum, utpotè per dulces sermones, & benedictiones, ut Apostolus loquitur, hoc est, sub falsa piæ institutionis imagine, seducendis Innocentium cordibus longè accommodatum, siue præmissis, siue alio quovis titulo inscriptum, ubicumque, & quocumque alio idiomate, seu quavis editione, aut versione hætenus impressum, aut in posterum (quod absit) imprimendum, auctoritate Apostolica tenore præsentium iterum prohibemus, ac similiter damnamus; quemadmodum etiam alios omnes, & singulos in ejus defensionem tam scripto, quàm typis editos, seu forsan (quod Deus avertat) edendos libros, seu libellos.

les, eorumq; lectionem, descriptionem, retentionem, & usum omnibus, & singulis Christifidelibus sub pœna excommunicationis per contrafacientes ipso facto incurrēda, prohibemus pariter, & interdiciamus.

Præcipimus insuper Venerabilibus Fratribus Patriarchis, Archiepiscopis, & Episcopis, aliisque locorum Ordinariis, nec non heretice pravitatis Inquisitoribus, ut contradictores, & rebelles quæcumque per censuras, & pœnas præfatas, aliaque Juris, & facti remedia, invocato etiam ad hoc, si opus fuerit, brachii sæcularis auxilio, omninò coerceant, & compellant.

Volumus autem, ut earumdem præsentium transumptis, etiam impretis, manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem fides prorsus adnibeatur, quæ ipsis originalibus literis adhiberetur, si ferent exhibitæ, vel ostensæ.

Nulli ergo hominum liceat hanc paginam nostræ declarationis, damnationis, mandati, prohibitionis, & interdictiōis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursurum. Datum Romæ apud Sanctam Mariam Majorem Anno Incarnationis Dominicæ Millesimo septingentesimo decimo tertio, sexto Idus Septem-

Septembris, Pontificatus Nostri Anno Decimo-
tertio.

J. Card. Prodatarius.

F. Oliverius.

Visa de Curia L. Sergardus.

Loco  Plumbi.

Registrata in Secretaria Brevium.

L. Martinettus.

Anno à Nativitate D. N. Jesu Christi millesimo septingentesimo decimo tertio, Indictione sexta, die vero decima Septembris, Pontificatus Sanctiss. in Christo Patris, & D. N. Domini Clementis Divina providentia Papæ XI. Anno decimo tertio supradictæ Literæ Apostolicæ affixæ, & publicatæ fuerunt ad Valvas Ecclesiæ Lateranen., & Basilicæ Principis Apostolorum, Cancellariæ Apostolicæ Curie Generalis in Monte Citatorio, in Acie Campi Floræ, ac in aliis locis solitis, & consuetis Urbis per me Petrum Romulatum Apostolicum Curatorem.

Antonius Placentinus Magister Cursorum.

239.15

z

By M. C. ...



